



T. BRAHE

Nic. Kaasio.


1585.



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 427 2\*







Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 427 2°





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 427 2°



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 427 2



44.- 156.

Box


DA

LN 427

M













MAGNIFICO, AMPLISSIMO  
NOBILISSIMOQUE VIRO, SAPIEN-  
TIA DOCTRINA OMNIMODAQVE VIRTUTE  
PRÆMINENTI, D. NICOLAO KAASIO,  
DOMINO DE TAARVP, REGIÆ MAIESTA-  
TIS DANIÆ CANCELLARIO ET CONSILIARIO PRVDEN-  
TISSIMO, VTILITATIS ET TRANQVILLITATIS  
PVBLCÆ SVASORI, CONSERVATORIQVE  
FIDELISSIMO, AMICO SVO INPRIMIS  
OBSERVANDO: ❀

**A**m Venerande tibi fuerat Mens scribere KAASE,  
Iamq; erat in calami charta parata notas,  
Vnde sed incepti mihi Carminis effluat ordo,  
Dum dubito, vt meritis par queat esse tuis:  
En supero veniens mox se patefecit Olympo  
VRANIA, agnoui, nam mihi vilâ prius,  
Quæ propè consistens, verbis dignatur amicis,  
Noster Alumne, adeò quid meditaris? ait;  
Mox ego sic, posita refero formidine, namq;  
Alloquio est facilis, si cuj nota satis.  
Dic mihi Diua Polj, celsum quæ nomen Olympo  
Accipis, Ingenij cura laborq; me;  
Cuius & Augusto de Nomine, conspicit Edes,  
Parua vbi Huæna jacet, DANIA clara, nouas,  
Parua sit illa licet, tamen hæc tibi dedita Sacra,  
Qualia vix magnus continet Orbis, habet;  
Dic agè, quæ Cælum Dea circumuoluis & Astra,  
Vndè vides toto quæ quis in Orbe gerat,  
Estnè aliquis, Boreum quâ DANIA vergit in Arcton,  
Inter conspicuos Nobilitate Viros,  
Qui magis aspiret Studijs, foueatq; Camœnas,  
Qui Virtute magis, Consilioq; valet,  
Quam qui NICOLEVS fertur cognomine KAASVS?  
Cuj datur à DANO Rege secundus Honor;  
Huic ego, dum meditor preslum transmittere Carmen,  
Quale feret Typis Huænula parua suis,  
ut Benefacta viri, Meritiq; amplissima moles,  
Vnde vel incipiam, quæ potiora canam,  
Distrahere, atq; Animum partes diuellere in omnes,  
Dum poterint, Elegis imposuere moras  
Tu facilis, nostrum potius Dea, dirige Carmen,  
Saltè aliqua vt liceat reddere grata Viro.



Sic ego, demissa Diuam sum voce precatus,  
 Illa sed hæc roseo protinus ore refert:  
 Res accepta adeò, quam nunc meditaris Alumne,  
 Est mihi, quod nihil hac gratius esse queat:  
 Cumq; Arcana mihi pateant, ego conscia quidnam  
 Mente agites, votis spontè propinquo tuis:  
 Promotura etiam veluti petis, & tibi faxim,  
 Carmina dictabit nostra Thalia soror:  
 Ipsa ego Materiam facili præbebo Camænæ,  
 Sufficiens Elegis Ipsa ego Carmen ero;  
 Tu modò nostrorum, reuocans, memor esto Laborum;  
 Hosq; illi, tibi me sic referente, refer.  
 En ego quæ incedo Superis gratissima Diuis,  
 Maxima Pieridum, primaq; Nata Iouis:  
 Sum profuga in Terris, varièq; hæc pector & illac,  
 Vt nequeam firmos figere lassæ pedes;  
 Æthiopes, Indos, Arabes, Chaldaica regna,  
 Ægyptum, Graios, Ausoniumq; solum,  
 Hispanos, Gallos & Teutona rura pererro,  
 Nec tamen inuenio quæ mihi tuta quies;  
 Vsq; adeò, Lucrum, Leuitas, Inscitia, Luxus,  
 Mars ferus, in mundo, Babariesq; vigent;  
 Ast ego, quæ terris Noctemq; Diemq; ministro,  
 Cumq; suis Annos Mensibusq; ires sino,  
 Quæ Lucem tribuo rebus, viuumq; Calorem,  
 Et generans foueo totius Orbis Opes,  
 Nam sine me Tellus, sine me nil procreat Æquor,  
 Antiquum repetant me sine cuncta chaos,  
 Nullum Animal viuens Orbi superesset, & Ipse,  
 Ipse Homo frustra oculos Sidera ad alta gerat:  
 Attamen in Terris spernor, mea Sacra profanant,  
 Conculcantq; homines, exulat omnis honos,  
 Idq; diu tuleram, donec pertæsa, Parenti  
 Conquesta, his breuibus, sum pridibunda, Ioui.  
 Iuppiter alme Parens, nostro succurre dolori,  
 Exilium in terris, Te Patre nata, fero.  
 Has licet includam, tamen hinc excludor ubiq;  
 Ne tua sic spernar Filia, perfer Opem;  
 His dictis, tacui, & lacrimantia lumina terfi,  
 Ille leuat verbis, Spemq; fouere iubet.  
 Esto animo mea Nata bono, licet vndiq; pulsa es,  
 Quæ terra Australj torrida Sole calet:  
 Non tamen experta es, Boreæ quid frigora condant  
 Fortè tibi Arctoo restat inorbe Decus;



Hic tibi prospexi Iuuenem, cui Sidera curæ,  
 Per quem, crede, tuus restituetur Honos;  
 Tantus Amorq; tui est, Patriam vt charosq; Penates,  
 Ne tua non curet, deseruisse velit;  
 Ipse sed Arctoo suggesti in pectora Regi,  
 Ne Iuuenem è Patria, cum volet, ire sinat:  
 Namq; ibi decreui (velut & mea Sacra sub Arcton  
 Intemerata manent) te quoq; Nata coli.  
 Annè vides, oculis totum quæ conspicis Orbem,  
 DANIA quâ Boreuni spectat aquosa Polum,  
 Principium Solidi quod habet, Punctum velut arcum  
 Angusto referat Huæcula stricta Freto:  
 Hæc licet exigua est, tamen hinc tua Gloria crescet,  
 Maior & Australis quam tulit Orbis erit.  
 Sic me tum mœstam verbis solatur amicis  
 Iuppiter, & dictis pondus inesse facit;  
 Nam mox Huæna struit, nostro de Nomine dictam,  
 Multa meis Sacris quæ capit apta, Domum;  
 Organa conflantur, mihi qualia nulla Vetustas  
 Arte & Sumptu adeò sunt operosa, dedit;  
 Talia non olim florens Ægypte parabas,  
 Astra tibi quamuis semper amæna micent,  
 Siue ea Thymochares, tibi seu construxit Hyparchus,  
 Auxerat hoc ingens seu PTOLEMÆVS Opus;  
 Syria non similes, hæc ALBATEGNIVS illis  
 Hoc Aracensis agat, strauit in Astra vias;  
 Tam Syracusa altas neq; struxit ad Æthera Scalas,  
 Archimedis enim negligit ista labor;  
 Roma quidem Mundi fuerat Caput, haud tamen ausa est  
 Tanta, vel auxilijs ô Menelæ tuis;  
 Rex licet ALPHONSVS, Mauros, Arabes, & Iberos  
 Iunxit, vt immensis sumptibus Astra notent,  
 Non tamen obtinuit, numeris vt Sidera quadrent,  
 Scilicet his medijs non satis auctus erat;  
 Is quoque qui nostræ nuper COPENNICVS Arti,  
 Creditur extremas imposuisse manus,  
 Vir sanè immensus, tua laus Germania, Cælo  
 Proxima, vix tantum sustinuisset Onus.  
 Non tamen asperior veterum Monumenta Laborum;  
 His sine namq; meus non reparatur Honos;  
 Id saltem doleo, non sat subtiliter olim,  
 Sed nimium latis Astra notata modis;  
 Ergo vbi conspexi mea surgere Castra sub Arcton,  
 Et Boream Australj cedere nolle solo,



Sed niti superare magis, lætabar, & Ipſi  
 Sit modò, dicebam, gratia magna Ioui:  
 Qui Nate sortem miſeratus, liberat iſto  
 Deſpectu, quo me tempora longa premunt;  
 Iamq; ego, ſum veluti Muſas præſtantior inter,  
 Vel majus, vel par, Nomen in Orbe geram;  
 Sic mihi non dubios alacris gratabar Hônores,  
 Lætabarq; quies quod reparata foret.  
 Ecce ſed Ambitio, Lucrîq; inſana cupido,  
 Inuidiam alliciunt, te patre Pluto, ſatam:  
 Aduolat hæc, medijs properans è faucibus Orci,  
 Quam furor, atq; odium concomitatur atrox.  
 Vtq; ea Virtutem ſequitur velut vmbra, cauillis  
 Hanc inſectatur, vaniloquiſq; probris:  
 Et ſolet alterius felici ſorte dolere,  
 Liuidâq; hinc facies, pallor in ore ſedet:  
 Pectora felle virent, tegit altum lingua venenum,  
 Nulla quies Animo, tam ſtudioſa Mali eſt:  
 Detrahit immeritis, carpendo carpitur vna,  
 Dumq; nocere nequit, fit ſibi Supplicium;  
 Tormentum hæud majus, Siculi inuenere Tyranni:  
 Hæc eſt igniuomo gutture Taurus hians;  
 Hanc ambo inſtigant, licet ad mala quæq; ſuapte  
 Spontè ſatis facilem, mæq; fugare iubent;  
 Forſitan hæc, ſiquidem nimium Terreſtria curant,  
 Me præſente, ſatis crefcere poſſe, timent;  
 Ergo iſta inſidijs, nec aperto Matre minatur,  
 Prætextu potius ſueta nocere boni;  
 Quæ potuit fecit mala plurima, plura volebat,  
 Difficilem reddens Sidera ad alta viam;  
 Perſuaſitq; alijs, noſter quod inutilis eſſet,  
 Poſſibiliſq; minus, (tàm fit iniqua) labor;  
 Obtinuit fateor, noſtra vt Patientia læſa eſt,  
 Penèq; pænuit, quod meditabar Opus,  
 Ceſſiſſemq; aliò, ſiquidem latiffima Tellus,  
 Qua mea ſpectentur Sidera, vbiq; manet;  
 Vndiq; Terra infrâ eſt, Cælum patet vndiq; ſuprà.  
 Omne ſolum Patria eſt, cui mea Sacra placent:  
 Nilq; noui fieret ruruſ peregrina petenti,  
 Sæpè mouere locum, res benè ſueta mihi eſt;  
 Venit at in Mentem, ſecum clàm velle Triumphos  
 Mox agere Inuidiam, ſic quòd abacta forem;  
 Scilicet obſcuro Erebi quæ prodijt vmbriſ,  
 Me Ioue progeneram, pellat agatq; Deam?



Dum moror, & mecum dum consulo quid sit agendum,  
 Ecce iterum validam Iuppiter addit Opem;  
 Huncq; Virum, cui nunc meditaris scribere, certis  
 Excitat Is medijs, ut mea damna leuet;  
 Propositis namq; Ille bonis prodesse paratus,  
 Non sua, sed Patriæ commoda semper agit;  
 Undè illi multum debebit Patria, quando  
 Multa alij Patriæ: Quis magè diues erit?  
 Hoc florente Viro, nullis obnoxia damnis,  
 DANIA floresces, hoc abeunte, caue;  
 Optima Consilijs iuuat, & mala quæq; repellit,  
 Huncq; loco chari Patria Patris habet;  
 Cumq; sit huic ingens & multa Scientia Rerum,  
 Nostra etiam digno Sacra in honore fouet;  
 Et licet his, teneris non est imbutus ab annis,  
 ( Nam quis par Studijs omnibus, vnus erit? )  
 Attamen, Historias gestarum ab origine Mundi  
 Dum recolit rerum, fit memor inde mei:  
 Hincq; videt, quanta me Sedulitate Verustas  
 Excoluit, quanto tunc in Honore fui;  
 Vsq; adeò, ut solis fuerit fas Regibus, Astra  
 Excelsa Ingenio supposuisse suo;  
 Proxima tangentes Cælo fastigia Rerum,  
 Regales animos scilicet Astra decent;  
 Testes, Aëidos, Persæus, & Pulcher Orion,  
 Arctophylax, Cepheus, Chyron, & Heniocus;  
 Qui proprio Stellis de nomine, nomina signant,  
 Unde erit illorum Fama coæua Polo;  
 At quia non parua Reges Respublica mole  
 Aggrauat, & crebrò belliger hostis adest:  
 Mox in more fuit, si quos Natura monebat,  
 Astrorum celsas exuperare vias,  
 Illos sponte sua, Patriâ ut Regesq; iuarent,  
 Sumptibus ut magnis Sidera celsa notent;  
 Id nisi fecisset veterum Solertia Regum,  
 Mensibus atq; Annis quæ modò Meta foret?  
 Gestarum fieret nunc quantà obliuio rerum?  
 Quantâq; Barbaries? Quale & in Orbe chaos?  
 Non Hominum à brutis Animantibus ista fuisset  
 Dispar conditio, fortè caduca magis:  
 Pronius his Terram spectarent, quos Deus altè  
 Iusserat, excelsum tollere ad Astra caput.  
 Hæc, & plura alias, quæ Mundo incommoda cedant,  
 Si perspecta Homini Sidera nulla forent,



**Hic** Vir prospiciens, velut **Experientia** **Retum**  
 Indidit, hoc **Patria** nolit abesse **Decus**:  
 Sed velut hanc multum præclaris **Artibus** ornat,  
 Patronus **Studijs** dum cupit esse bonis:  
 Sic quòq; sic nostram, reliquis quæ celsior, **Artem**,  
 Exilium è **Patria** non tulit ille pati;  
 Vnus enim nobis **Suadendo** restituit **Rem**,  
 Hanc qui iacturam cerneret, vnus erat;  
 Reppulit **Inuidiam**, quæ nunc pudefacta sub antris,  
 Rodat vbi tacito corda dolore, latet;  
 Effecitq; adeò mea **DANIA** **Castra** sub **Arcton**  
 Ut locet, & **Studijs** clareat aucta meis:  
 Quod nunc **HVÆNA** mihi deuotas struxerit **Edes**,  
 Vranæq; **Artes** ingeniosa colat,  
 Et mihi quod **Boreas** nunc **Organa** tanta parat,  
 Quanta nec **Australi** cernere in **Orbe** licet,  
 Me debere illi fateor: quia plurima causa est,  
 Quod meus in **Patria** detineatur **Honos**;  
 Si quid venturis mea **Sidera** certius **Annis**  
 Ostendent, veluti **Spes** mihi magna subest:  
 Semita si penitus pateat **Mortalibus** olim,  
 Qua vehitur **Phœbus**, quamq; **Diana** rotat:  
 Perspectum fuerit reliquis, si quandò, **Planetis**,  
 Dum variant **curfus**, qualis amissis inest:  
 Fixaq; si toto constabunt **Sidera** cælo,  
 Error ut illorum, non sit, ut antè, locis,  
 Huic Vni acceptum referant, Huic omnia debeat,  
 Quos agit **Altra** **Poli** scandere, celsus **Amor**;  
**DANIA** quod, nostris renouatis **Artibus**, ingens  
 Nomen ab æterna **Posteritate** feret,  
 Huic tribuat: nec enim foret istis laudibus aucta,  
 Solus **Is**, hoc tantum ni tueretur **Opus**;  
 Ergo erit illius notissima **Fama** per **Orbem**,  
 Vndiq; quâ **Populis** **Sidera** clara micant;  
 Nec saltem **Patriam** quod honestis ornat, & auget  
 Consilij, quò sit **Publica** tuta **quies**,  
 Sed quòq; quod nostros non dedignatur **Honores**,  
 Haud minor hinc ipsum **Gloria**, fortè, manet;  
 Nam, ( mihi si qua fides quæ **Cœlica** **Fata** gubernò, )  
 Non sua **Laus** vllò est interitura die;  
 Transiget in **Terris** seros feliciter **Annos**,  
 Et **Regi**, & **Populo** semper amatus erit:  
 Dum viuet, sua durabit gratissima cunctis,  
 Et bona post cineres **Fama** superstes ager,



Iamq; Senex, tandem celso maturus Olympo  
 Accedens, Superis Accola gratus erit.  
 Hæc sunt quæ volui, tibi perscribenda referre,  
 Hæc reuocans, pressis mitte legenda notis:  
 Pressius illa VIRI maneant vt condita Mente,  
 Et nunquam meus hinc dimoueat Amoris;  
 Nomine ferq; meo Grates, quod nostra tuetur,  
 Et fouet, è Patria non abigenda, Sacra;  
 Perstet vt inceperit, nostros conseruet Honores,  
 Vt mihi perpetuò DANIA Thura ferat;  
 Donec sublimi radiabunt Sidera cælo,  
 Hinc pariter radians Nomen in Orbe geret;  
 Cumq; alijs referam, mea qui Monumenta probarit,  
 Inter præcipuos Is numerandus erit:  
 Aternasq; illi non cessans dicere Grates,  
 Ex Animo, & toto Corde fauente, colam.  
 Hæc vbi finierat, superum repetiuit Olympum  
 VRANIA, vt solitis Legibus Astra regat.  
 Quumq; ego sim Diuæ, velut ipsa fatetur, Alumnus,  
 Quæ mihi mandauit, non tacuisse licet;  
 Sed pariter refero, velut hæc Dea rettulit ipsa,  
 Dij faciant vt non displicuisse queant.  
 Iam tibi, quod superest, Vir longè amplissime, Grates  
 præ merito, quamvis Mene mea nouit, ago;  
 Cumq; referre satis nequeam, memor esse studebo,  
 Alma mihi donec Vita superstes erit;  
 Vtq; tibi constet, non friuola dicta fuisse  
 VRANIÆ, quibus hunc extulit illa locum,  
 Astrorumq; vijs sint Organa quanta parata,  
 Hic vbi HVÆNA arcto cingitur alta mari,  
 Te rogo, vt esse velis nobis gratissimus Hospes,  
 Quamprimum, adducto Vere, recedit Hyems,  
 Id quia pollicitus dudum es, audacius oro,  
 Nostraq; nec dubito quin rata Vota sient.  
 Iamq; Elegis leuib; ne te magè Seria agentem  
 Derineam, Felix, Incolumisq; Vale.

Datum VRANIBVRGI  
 Kalend: Ianuarij Anno 1585.

*Tui obseruantiss.*

TYCHO BRAHE.







